

Bosna i Hercegovina  
Federacija Bosne i Hercegovine  
**SKUPŠTINA KANTONA  
SARAJEVO**



Босна и Херцеговина  
Федерација Босне и Херцеговине  
**СКУПШТИНА КАНТОНА  
САРАЈЕВО**

Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**


Nezavisni odbor  
Broj:01-05-122-v-1/19  
Sarajevo, 02.07.2018. godine

SKUPŠTINA KANTONA SARAJEVO

OVDJE

PREDMET: Informacija o predmetu Edin Gačić- dostavlja se

Nezavisni odbor na sjednici održanoj dana 01.07.2019. godine razmatrao je : Informacija o predmetu Edin Gačić, a u skladu s članom 33. alineja c. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), isti dostavlja Skupštini Kantona Sarajevo, kao informativni materijal.



PREDSJEDNIK

Miroslav Kružik, s.r.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax:+ 387 (0) 33 562-210  
Sarajevo, Reisa Džemaludina Čauševića 1





Nezavisni odbor  
Broj: 01-05-122-v-1/19  
Sarajevo, 01.07.2019. godine

**KANTON SARAJEVO**  
**SKUPŠTINA KANTONA SARAJEVO**

**PREDMET: Informacija o predmetu Edin Gačić, dostavlja se;**

U vezi sa praćenjem rada i postupanjem policijskog komesara u predmetu Edin Gačić, a temeljem usmenih odgovora od strane Milorada Bašića, glavnog inspektora u Upravi policije, koji u skladu sa Rješenjem Vlade Kantona Sarajevo broj:02-05-13232-12/19 od 29.03.2019.godine obavlja dužnost policijskog komesara, Nezavisni odbor Skupštine Kantona Sarajevo, na sjednici održanoj 16.04.2019. godine, donio je sljedeće zaključke:

Traži se od Načelnika Sektora kriminalističke policije koji obavlja dužnost policijskog komesara, da dostavi sljedeće :

- Da li je u predmetu Edin Gačić – od strane policijskog komesara postupljeno u skladu sa Planom uprave policije o aktivnostima i postupanjima policijskih službenika u kriznim i vanrednim situacijama iz aprila 2017 godine – konkretno da se Nezavisnom odboru dostavi detaljna informacija o postupanjima iz tačke 11.1 tačke 11.2 tačke 11.3 i tačke 11.4 Plana?
- Tražimo da nam se dostavi informacija koje su sve aktivnosti poduzete od strane policijskog komesara u predmetu Edin Gačić?
- Tražimo da nam se dostavi detaljna informacija o ispunjavanju obaveza iz tačke 7.5.1. Plana, odnosno tražimo informaciju da li je formiran Štab u skladu sa Planom ? sa naznakom kada je tačno doneseno naređenje o formiranju štaba (datum i tačan sat), da li je i kada obzirom na specifičnosti slučaja izvršeno popunjavanje štaba u skladu sa odredbama Plana?

Nezavisni odbor tražio je od Načelnika Sektora kriminalističke policije da dostavi tražene informacije u pismenoj formi do 06.05.2019. godine (ponedjeljak).

Dana 23.04.2019 godine, Informacijom broj: 02-53/19 Uprava policije je dostavila tražene informacije, u kojima se između ostalog navodi:

- da se nije postupalo po Planu iz 2017. godine jer je u predmetnom periodu na snazi bio Plan iz novembra 2018. godine;
- da štab nije formiran odnosno da je formiran štab samo za Eyof;
- da je nakon ubistva policijaca Mahira Begića formiran štab na nivou MUP-a Federacije BiH, te da shodno tome nije bilo potrebe za formiranje štaba?!

Nezavisni odbor prije svega želi istaći nekoliko činjenica, a naročito da je sačinjavanje Plana obaveza policijskog komesara koja nije ispoštovana od strane ex komesara Vahida Čosića, a što je utvrđeno nakon paljevine zgrade Kantona Sarajevo i Predsjedništva BiH, te je Nezavisni odbor zahtjevao od novog policijskog komesara Mevludina Halilovića da hitno donese ovaj Plan, a kako bi se u sličnim kriznim i varednim situacijama jasno znalo šta su čija prava i obaveze, odnosno odgovornosti – što je gospodin



Halilović i uradio donošenjem plana u aprilu 2017. godine, o čemu je obavijestio i Nezavisni odbor. O navedenom postoje pismeni zaključci kao i zapisnici sa sjednica Nezavisnog odbora.

Policijski Komesar Mevludin Halilović je po saznanjima iz informacije, navedeni Plan mijenjao nekoliko puta, tačnije, donosio je nove Planove, a niti jednu izmjenu nije dostavio Nezavisnom odboru, te shodno tome Nezavisni odbor nije bio upoznat sa izmjenama Plana, odnosno sa tekstovima novih Planova.

Svrha postojanja ovih planova je da se tačno utvrdi šta su čija prava, obaveze i odgovornost za postupanje u kriznim i vanrednim situacijama u Kantonu Sarajevo, te u tom smislu navedeni važeći Plan pod tačkom 3. definira Vanredne situacije: „kao situacije kada su rizici i prijetnje ili posljedice katastrofa, varednih događaja i drugih opasnosti po stanovništvo, životnu sredinu i materijalno dobro, takvog obima i inteziteta da njihov nastanak ili posljedice nije moguće spriječiti ili otkloniti redovnim djelovanjem nadležnih organa i službi, zbog čega je za njihovo ublažavanje i otkanjanje neophodno upotrebiti posebne mjere, snage i sredstva uz pojačan režim rada.“

U predmetu Edina Gačića bili smo svjedoci da su Ministarstvo unutrašnjih poslova i Vlada Kantona Sarajevo javno zatražili pomoć drugih policijskih agencija u BiH, što samo po sebi dovoljno govori o tome da se radilo o vanrednoj situaciji i da je bila obavezna primjena ovoga Plana.

Ono što je inidikativno jeste da je odredbama novog Plana iz novembra 2018. godine, u odnosu na ranije Planove promjenjena je „samo odredba“ koja se odnosi na obavezu formiranja štaba. Naime, ranije je to bila obaveza policijskog komesara, dok je posljednjim Planom policijski komesar tu obavezu i odgovornost „prebacio“ na načelnika Sektora uniformisane policije.

Odredbe Plana iz 2018. godine su po mišljenju Nezavisnog odbora izmijenjene u ključnom dijelu jer je odredbama Zakona o unutrašnjim poslovima jasno utvrđeno da Upravom policije rukovodi policijski komesar. Nezavisni odbor smatra da u konkretnom slučaju policijski komesar u skladu sa odredbama Zakona o unutrašnjim poslovima Kantona Sarajevo, nije mogao obavezu formiranja i upravljanja štabom (a što praktično znači i upravljanje Upravom policije) u varednim i kriznim situacijama prenijeti Planom na načelnika Sektora uniformisane policije.

Obzirom da je po ranijim planovima formiranje i upravljanje štabom bila isključiva obaveza policijskog komesara, Nezavisni odbor smatra da je prenos takvih ovlaštenja suprotan Zakonu o policijskim službenicima i da je isto isključivo u funkciji izbjegavanja odgovornosti policijskog komesara i to upravo u najtežim situacijama kada se policijski komesar treba pokazati kao istinski general policije.

U predmetu Edina Gačića, uprkos činjenici da se radilo o potjeri za serijskim ubicom, koji je naoružan, te da je za istim vršena intenzivna potraga na udaljenosti od samo par kilometara od granice Kantona Sarajevo, uprkos činjenici da su se ispunili svi uslovi za formiranje štaba i za postupanje u varednim situacijama, procjena sigurnosne situacije je potpuno zakazala ako je iste uopšte i bilo u ovom događaju. Štab od strane Uprave policije MUP KS nikad nije formiran čak niti nakon što je ubijen policajac Mahir Begić. Pravdanje da štab nije bilo potrebno niti formirati jer je isti nakon ubistva policijaca Mahira Begića formiran na nivou Federalnog MUP-a nije prihvatljivo jer po važećem Planu takva mogućnost -neformiranja plana apsolutno nije predviđena.

Zbog naprijed navedenog, Nezavisni odbor smatra da bivši policijski komesar Mevludin Halilović, u predmetu Edina Gačića, nije rukovodio Upravom policije MUP-a Kantona Sarajevo, niti je vršio nadzor nad radom policije, kao ni nadzor nad primjenom policijskih ovlaštenja kako mu to jasno nalaže Zakon o unutrašnjim poslovima Kantona Sarajevo. U konkretnom slučaju ukoliko načelnik Sektora uniformisane policije nije formirao štab kako mu je to nalagao Plan, policijski komesar je bio u obavezi da odmah zatraži formiranje štaba i da pokrene pitanje odgovornosti načelnika Sektora uniformisane policije, a što se nikada nije desilo.



Nezavisni odbor dostavlja ovu Informaciju Skupštini Kantona Sarajevo radi informisanja, obzirom da trenutno ne postoji mogućnost da se u skladu sa odredbama Zakona o unutrašnjim poslovima Kantona Sarajevo pokrene i vodi disciplinski postupak protiv bivšeg policijskog komesara Mevludina Halilovića.

S poštovanjem,

Dostavljeno:

- Naslovu;
- a/a.



PREDSJEDNIK

Miroslav Kružik



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044, Fax: + 387 (0) 33 562-210  
Sarajevo, Reisa Džemaludina Čauševića 1

